

ივანე ჯავახიშვილის ისტორიისა და ეთნოლოგიის ინსტიტუტი
IVANE JAVAKHISHVILI INSTITUTE OF HISTORY AND ETHNOLOGY

ISSN 1987-6564

ისტორიისა და ეთნოლოგიის
ინსტიტუტის მროვები

IX

**THE PROCEEDINGS OF THE INSTITUTE
OF HISTORY AND ETHNOLOGY**

IX

თბილისი
Tbilisi

2009

01სტორიოგრაფია

რუსული ლაპარაკი

ივანე ჯავახიშვილის ისტორიისა და
ეთნოლოგიის ინსტიტუტი

საიმიოს მესამე პერიოდის დაბადება

ჟაკ ლე გოფი „ანალების“ სკოლის ერთ-ერთი წამყვანი ისტორიკოსი, შეუასეუნების ისტორიის აღიარებული სპეციალისტი, ავტორია ისეთი ცნობილი ნაშრომებისა, როგორებიცაა: შეუასეუნების ვაჭრები და ბანქირები (1956), შეუასეუნები (1962), დასავლეთის შეუასეუნების ცივილიზაცია (1964), სხვა შეუასეუნებისათვის (1977), განსაწმენდელის დაბადება (1981), ქრისტიანობის აპოგეა (1982), წარმოსახვითის შეუასეუნებობრივი სამყარო (1985), წმინდა ლუი (1996), სხვა შეუასეუნები (1999), წმინდა ფრანცისკ ასიზელი (1999), შეუასეუნები სურათებში (2001) და სხვ. აქვე უნდა შევნიშნოთ, რომ ლე გოფისეული შეუასეუნების ცნება ყოველთვის არ გულისხმობს ჰუმანისტების მიერ დამკვიდრებულ ტრადიციულ ათსაუკუნოვან პერიოდს (V-XV სს.), ისტორიკოსს მხედველობაში აქვს „ხანგრძლივი შეუასეუნები“, რომელიც, მისი აზრით, რომაული სამყაროს კრიზისიდან (II-III სს.) იდებს სათავეს და XIX ს-ის სამრეწველო რევოლუციამდე გრძელდება [1, 433].

მედიევისტიკაში ხანგრძლივი შეუასეუნების კონცეფციის გაჩენა ისტორიული მეცნიერების ამ დარგის ახლებულმა შესწავლამ განაპირობა. შეუასეუნების ისტორიის შესწავლისათვის არატრადიციული მეთოდებისა და ოქმების გამოყენებამ არა მარტო მედიევისტიკის კვლევის არალი, არამედ მის მიერ საკვლევი პერიოდის ქრონოლოგიური ჩარჩოებიც გააფართოვა. ეს, უპირველეს ყოვლისა, მენტალიტების პრობლემას შეეხო, რადგან მიუხედავად ასწლეულების მანძილზე განცდილი მუტაციებისა მენტალიტები ძალიან ნელა იცვლება და ფსიქო-სოციალური სტერეოტიპების, მენტალობის დონეზე შეუასეუნები საკმაოდ ხანგრძლივად მოჩანს. მართალია, თანამედროვე მედიევისტიკის თემატიკა, ერთი შეხედვით, შემთხვევით შერჩევის და ფრაგმენტულობის შთაბეჭდილებას ტოვებს, მაგრამ ამ ვიწრო საკითხების განხილვის ფონზე შეუასეუნების სამყაროს სურათი იკვეთება და იმ ეპოქის ადამიანთა მენტალიტები ხელშესახები ხდება. ასე მაგალითად, ა. გურევიჩის მიხედვით, ჟაკ ლე გოფის მიერ ისეთი კერძო საკითხის განხილვა, როგორიც „განსაწმენდელის დაბადებაა“, ანუ დასავლურ ქრისტიანობაში იმქვენიური სამყაროს სურათის (ჯოჯოხეთი-სამოთხე) ახლით (ჯოჯოხეთი-განსაწმენდელი-სამოთხე) შეცვლა შეუასეუნების ადამიანთა მენტალობის მირულ თვისებებს ჰუგენის ნათელს და ქალაქებში ახალი სოციალური და სულიერი გარემოს განვითარების პროცესში მის (მენტალიტების – რ. ლ.) ტრანსფორმაციებს ხსნის [2, 21-22].

ჟ. ლე გოფის „განსაწმენდელის დაბადება“ 1981 წელს დაბეჭდა გამომცემდობა „გალიმარმა“. ეს სექლტანიანი წიგნი (509 გვ.) დაწვრილებით მოგვითხრობს საიქოს მესამე ქვეყნის გაჩენის შესახებ. ჟ. ლე გოფის მიხედვით, განსაწმენდელი, როგორც სივრცე და დრო III-XII საუკუნეებს შორის ჩამოყალიბდა და სიკვდილის შემდეგ გარკვეულ ვითარებაში ზოგიერთი ცოდვის გამოსყიდვასთან იყო დაკავშირებული. პროტესტანტებსა და კათოლიკებს შორის XVI ს-ში მიმდინარე მძაფრ დისკუსიებში რეფორმისტები აშკარად ბრალს სდებდნენ თავიანთ მოწინააღმდეგებს განსაწმენდელის რწმენის გამო, რომელსაც ლუთერი „მესამე აღგილს“ უწოდებდა, იმ მოტივით, რომ ეს „გამოგონილი“ საიქო საღვთო წერილში არ იყო [3, 775]. ჟ. ლე გოფი ფეხდაფეხ მიჰყება მესამე აღგილის საუკუნოვან ფორმაციას იუდაისტურ-ქრისტიანული წარსულიდან ვიდრე მის დაბადებამდე შეუასეუნების დასავლეთის აყვავების მომენტში XII ს-ის II ნახევარში, აგრეთვე მის სწრაფ წარმატებას მომდევნო საუკუნეების განმავლობაში.

განსაწმენდელი შეუალები თორ სივრცეს შორის, რომელიც სამოთხესა და ჯოჯოხეთს შორის არსებობდა, მაგრამ ორი პოლუსის მიზიდულობა მასზე დიდი ხნის განმავლობაში მოქმედებდა. განსაწმენდელს რომ ეარსება, წერს ლე გოფი, მას უნდა შეეცვალა refrigerium-ის წინარე სამოთხე და ახალ აღოქმაში, მდიდარისა და ლაზარეს ამბებთან დაკავშირებით აღწერილი აბრაამის წიაღი (ლუკა XVI, 19-26). ამასთანავე, ის უნდა გამოყოფოდა ჯოჯოხეთს (თუ არა და დიდხანს დარჩებოდა უმაღლესი გეენის ნაკლებად შესამჩნევ ნაწილად) და, მომავალ რჩეულთა განსაწმენდად განკუთვნილი, სამოთხისგან გადახრილიყო [3, 782]. ამ გაწევ-გამოწევაში სამოთხესა და ჯოჯოხეთს შორის, ცხადია, რომ ქრისტიანებისათვის განსაწმენდელის ფსონი უმნიშვნელო არ ყოფილა. ვიდრე დანტე საიქოს სამი სამეფოს გეოგრაფიას თავის უმაღლეს გამოხატულებას მიანიჭებდა, საიქოს ახალი სამყაროს მოწყობა ხანგრძლივი და როული პროცესი იყო.

ებრაული შეოლისაგან განსხვავებით, რომელიც მოწყენილი, მღელვარე, მაგრამ სასჯელებს მოკლებულია, განსაწმენდელი ის ადგილია, სადაც მიცვალებულებს განსაცდელი ელით. ეს განსაცდელი მრავალფეროვანია და გარკვეულად შეჩვენებულთა ჯოჯოხეთში ტანჯვას წააგავს. მაგრამ

ცეცხლი მთავარ როლს თამაშობს განსაწმენდელის ისტორიაში [3, 783]. ამავე დროს, ეს ის ადგილია, სადაც ცოცხალთა და მკვდართა მიმართება სერიოზულ დატვირთვას იძენს, რადგან მოსალონები განსაცდელი შეიძლება შემოკლდეს ცოცხალთა ჩარევით: ლოცვით, მოწყალებით. სწორედ ლოცვის ძალით მიცვალებულთა დახმარების შესაძლებლობა მიიყვანს ნეტარ ავგუსტინეს (დგამისის, მონიკას სიკვდილის შემდეგ) განსაწმენდელამდე. ნიშანდობლივია, რომ ავგუსტინე აღსარებაში პირველად აკეთებს ამ მონახაზს, რაც შემდგომში განსაწმენდელის გზაზე დააყენებს. ქრისტიანთა ეს ნდობა ცოცხალთა ჩარევის ეფექტურობისა, მხოლოდ მოგვიანებით შეუერთდა სიკვდილის შემდეგ განსაწმენდელის რწმენას. ლე გოფის მიხედვით, განსაწმენდელის ისტორიის საუკეთესო თეოლოგი დანტეა [3, 790].

წიგნის პირველი ნაწილი განსაწმენდელამდე არსებულ საიქიონებს ეძღვნება. ავტორი მიუთითებს, რომ შეა საუკუნეების განსაწმენდელმა ხელახლა გამოიყენა ძველ დროში გავრცელებული მოტივები: სიბნელე, ცეცხლი, განსაცდელის (გამოცდის) ხიდი, მდინარე და სხვ. მაგრამ, მისი აზრით, ეს ურთიერთობები, ქრისტიანულ განსაწმენდელსა და საიქიონს ძველ წარმოდგენებს შორის, ისტორიას განეკუთვნება და არა გენეალოგიას. განსაწმენდელი ავტომატურად არ ჩასახულა მთელი რიგი რწმენებითა და წარმოდგენებით (თუნდაც დიაქტონული), ის ისტორიის შედეგია, სადაც აუცილებლობა და შემთხვევები ერთმანეთშია არული [3, 795-796]. შემდეგ ჩამოთვლის განსაწმენდელის ელემენტებს სხვა რელიგიებში: ინდუიზმში – „ბოლო ქამა“, მაზდეცნობაში – ცეცხლი და ხიდი, ეგვიპტური ჯოჯოხეთი, ჯოჯოხეთში ჩასვლა საბერძნეთსა და რომში, რეინკარნაციის ფილოსოფია პლატონთან, ენეიდა ჯოჯოხეთში, გილგამეში ჯოჯოხეთში, ნეიტრალური და ბნელი საიქიონ: ებრაული შეოლი და ბოლოს, თუდეურ-ქრისტიანული აპოკალიპტიკა, რომელთა შორისაც ახალი აღთქმისეული და ქრისტიანული აპოკალიფსები უფრო ზეცაში მოგზაურობაზე მოგვითხრობენ, ვიდრე ჯოჯოხეთში ჩასვლაზე [3, 795-811].

ებრაულ აპოკალიფსებს შორის ლე გოფი ენოქის წიგნს და ეზრას მეოთხე წიგნს ასახელებს, ქრისტიანულ აპოკალიფსებს შორის კი – პეტრეს, ეზრას და პავლეს აპოკალიფს. იმ აპოკალიფსთაგან, რომლებსაც ყველაზე დიდი გავლენა ჰქონდა საიქიონს შეა საუკუნეების ლიტერატურაზე საერთოდ და კონკრეტულად განსაწმენდელზე, პავლეს აპოკალიფსია. აპოკალიპტიკაში ეს ყველაზე გვიანდელი ტექსტია, რადგანაც იგი (აღბათ, ბერძნულად) III ს-ის შეა ხანგში, ეგვიპტეში უნდა იყოს შედგენილი. პავლეს აპოკალიფსის ვერსიები შემორჩენილია სომხურ, კოპტურ, ბერძნულ, ძველ სლავურ და სირიულ ენებზე. ამას გარდა არსებობს 8 განსხვავებული რედაქცია ლათინურ ენაზე. ყველაზე ძველი IV ს-ს განეკუთვნება. ნიშანდობლივია, რომ პავლეს აპოკალიფსი იმდენად პრატილარული იყო შეა საუკუნეებში, რომ წმინდა ავგუსტინებმ იგი აკრძალა. აპოკალიფსური იდეების შეუწყნარებლობის გარდა მიზეზი, აღბათ, ისიც იყო, რომ ეს შრომა სადავოდ ხდიდა პავლეს II ეპისტოლეს კორინთელთა მიმართ, რომელსაც ამისდა მიუხედავად იგი (პავლეს აპოკალიფსი – რ. ლ.) ეფრდნობოდა [3, 818].

განსაწმენდელის იდგის ჩამოყალიბების გზაზე ლე გოფს გადამწყვებად ესახება ებრაული რელიგიური აზრის ევოლუცია. ავტორი მას რაბინების ტექსტებში აფიქსირებს ქრისტიანობის პირველ ორ საუკუნეში. ამ ტექსტების მიხედვით, ასეთია საიქიონს გეოგრაფია: სიკვდილის შემდეგ სულები ან შუალედურ ადგილას, შეოლში მიემართებიან, ანდა სამუდამო სასჯელის გეენაში, ან სულაც სამუდამო ჯილდოების ადგილას, ედემში. შეოლი ყოველთვის მიწისქვეშეთი და ბნელია, ეს არის ორმოების, საფლავების ერთობლიობა, მკვდრების და სიკვდილის სამყარო. გეენა უფსერულის ან მიწის ქვემოთ არის, რომელიც (მიწა – რ. ლ.) მისი სახურავის ფუნქციას ასრულებს. ედემის ბადი კი, ისეთივე როგორიც დაბადებაშია. განსხვავება არ არის ადამის მიწიერ სამოთხესა და მართლების ზეციურ სამოთხეს შორის.

ისახება თუ არა ქრისტიანული განსაწმენდელი საღვთო წერილში? უკა ლე გოფი ამ შეკითხვას ერთ-ერთი თავის სათაურში სვამს. ქრისტიანული დოქტრინა განსაწმენდელის შესახებ, მისი კათოლიკური ფორმით (რადგან რეფორმისტებმა იგი უარყვეს), საბოლოოდ მხოლოდ XVI ს-ში ტრიენტის კრებაზე გაფორმდა. ძველი აღთქმის ერთადერთი ტექსტი (II მაკაბელთა, XII, 41-46) – რომელსაც პროტესტანტები არ თვლიან კანონიკურად – ანტიკური და შეა საუკუნეების ქრისტიანული თეოლოგიის მიერ, წმ. ავგუსტინებან თომა აქვინელის ჩათვლით, მიჩნეულ იქნა როგორც განსაწმენდელის რწმენის არსებობის დასაბუთება¹. ისევე როგორც ძველი იუდაიზმის სპეციალისტები, ასევე ბიბლიის ეზებეგები არ ეთანხმებიან ამ როგორი ტექსტის ინტერპრეტაციას, რომელიც ისეთ რწმენებსა და პრატიკას გულისხმობს, სხვაგან რომ არ არის მოხსენიებული. ამ ინტერპრეტაციის საფუძვლად ლე გოფს ის მომენტი მიაჩნია, რომ ეკლესიის მამების მიბაჭიოთ, შეა საუკუნეების ქრისტიანები ამ ტექსტში მომავალი განსაწმენდელის ორი მირითადი ელემენტის დასაბუთებას ხედავდნენ: სიკვდილის შემდეგ ცოდვების გამოსყიდვის შესაძლებლობა და ცოცხლების ლოცვების ძალა მიცვალებულთათვის [3, 824-825].

რაც შეეხება ახალ აღთქმას, სამმა ტექსტმა განსაბუთერებული როლი შეასრულა განსაწმენდელის ისტორიაში. უმთავრესი მათ შორის, ლე გოფის აზრით, მათეს სახარებისეული ტექსტი იყო,

¹ „იმედი ჰქონდა, რომ დეთისმოსავითაში გარდაცვლილ დიდებული საზღაური მოელის. წმიდაა და დეთიური ასეთი ფიქრი, ამიტომაც მოიტანა მაკაბელმა მკვდროთათვის გამოსახული მსხვერპლი ცოდვათაგან მათ სალინებლად“ (მეორე მაკაბელთა XII, 45).

რომელიც იმქვეყნად ცოდვების გამოსყიდვის შესაძლებლობას კიდევ ერთხელ ამტკიცებდა: „ამიტომ გუებით თქვენ: ყოველი ცოდვა და გმობა მიეტევებათ ადამიანებს, მაგრამ სულიწმიდის გმობა არ მიეტევებათ, ვინც სიტყვას იტყვის კაცის ძის წინააღმდეგ, მას მიეტევება, მაგრამ თუ ვინმე იტყვის სულიწმიდის წინააღმდეგ, მას არ მიეტევება არც ამ წუთისოფლად, არც მომავალში“ (მათე XII, 31-32). არანაკლები მნიშვნელობა ენიჭებოდა ლუკა მახარებლის იგაცს მდიდარისა და ლაზარეს შესახებ, რომელიც მართალია, განსაწმენდელზე არ მოგვითხრობს, მაგრამ ფრანგი ისტორიკოსის მიხედვით, საიქონს თვალსაზრისით სამ დაზუსტებას იძლევა: ჯოვოხეთი (პადესი) და მართლების მოლოდინის ადგილი (აბრაამის წიაღი), ახლოსაა, რადგან მათ (ჯოვოხეთში მყოფ მდიდარისა და აბრაამის წიაღში დაბინავებულ ლაზარეს) ერთმანეთის დანახვა შეუძლიათ, მაგრამ გადაულახვი უფსკრული აშორებთ; ჯოვოხეთში წყურვილი მეფობს, რომელიც refrigerium-ის იდეას უდევს საფუძვლად; და ბოლოს, მართალთა მოლოდინის ადგილი განსაზღვრულია, როგორც აბრაამის წიაღი. ლე გოფის აზრით, აბრაამის წიაღი განსაწმენდელის პირველი ქრისტიანული ხორცშესხმა იყო [3, 826]. დასასრულ, ბოლო ტექსტი განსაწმენდელის ბიბლიურ დასაბუთებაში, რომელსაც ყველაზე მეტი კომენტარი გამოუჩნდა, მაგრამ, მიუხედავად ამისა, შუა საუკუნეებში განსაწმენდელის წარმოშობის საფუძველი გახდა. ეს არის პასაჟი პავლეს I ეპისტოლების კორინთელთა მიმართ (III, 11-15), სადაც აღწერილია ცოდვილთა ზოგიერთი კატეგორიის განწმენდა სიკვდილის შემდეგ, მაგრამ მოციქულის ტექსტის ძირითადი ელემენტი ცეცხლის მოხსენიებაა: „გინაიდან არავის არ ძალუმს დაუდოს სხვა საძირკველი, გარდა იმისა, რაც დაღბულია, რომელიც არის იქსო ქრისტე. და თუ ვინმე აშენებს ამ საძირკველზე-ოქროს, ვერცხლს, პატიოსან ქვებს, სეს, ნამჯას – თითოეულის საქმე გამოძღვანდება, ვინაიდან დღე გამოაჩენს, რადგან ის ცეცხლით გამოცხადდება და თითოეულის საქმეს, როგორიც ის არის, ცეცხლი გამოცდის. ვისი დაშენებულიც გაძლებს, ის მიიღებს სახდაურს. ვისი საქმეც დაიწვება, ის იზარალებს; თვითონ კი გადარჩება, მაგრამ როგორც ცეცხლისაგან“ (I კორ. III, 11-15). ამ გამოთქმამ „მაგრამ როგორც ცეცხლისაგან“ – quasi per ignem, პავლესეული ცეცხლის არაერთ მეტაფორულ ინტერპრეტაციას დაუდო სათავე, მაგრამ ძირითადად იგი მაინც მატერიალური ცეცხლის რწმენას შეესაბამება. ამრიგად, კითხვაზე არის თუ არა განსაწმენდელი საღვთო წერილში, შუა საუკუნეებში ამ ოთხი ტექსტის მოხმობით სცემდნენ პასუხს, რაც განსაწმენდელის უარმყოფელთათვის მაინც ვერ გამოდგებოდა საბუთად, რადგან, როგორც ლუთერი შენიშნავდა, ეს „გამოგონილი“ საიქონ საღვთო წერილში, მართლაც, არ იყო.

განსაწმენდელის რწმენა, რომელიც ლიტერატიონ და საფლავების ეპიგრაფიკით არის დამოწმებული, პრაქტიკაში დაიბადა: ლოცვები მიცვალებულთათვის და მთელი რიგი მოქმედებები მათი სულების საცხოვებლად. თავდაპირველად, ადრექტრისტიანული ეკლესია დაკრძალვის ქოველგვარ ტრადიციას კრძალვდა, რომელსაც წარმართული ცრურწმენა ედო საფუძვლად. მსხვერპლშეწირვის ამგვარ რიტუალს IV-ს-ში, აფრიკაში, ნეგრარი ავგუსტინეს დედა, წმინდა მონიკაც ასრულებდა, ვიდრე ადგილობრივმა ეპისკოპოსმა ამბროსი მედიოლანელმა არ აუკრძალა. ნეგრარი ავგუსტინე მოგვითხრობს, რომ აფრიკაში მიღებული ჩვეულების თანახმად, მონიკამ წმინდანთა საფლავებზე ფაფა, პური და ზედაშე გაიტანა, მაგრამ სასაფლაოს კარისკაცმა შესაწირავი არ მიიღო. ღვთისმოსავი მონიკაც მორჩილად დათანხმდა კარისკაცს, რადგან შეიტყო, რომ ეს აკრძალვა ეპისკოპოსისგან მოდიოდა. თვით აკრძალვის საფუძველი კი სმისა და ღრეობის თავიდან აცილება იყო, რაც თან სდევვდა ხოლმე ამ თავისებურ ადაპებს, რომელიც მას წარმართულ ცრურწმენასთან უფრო აახლოვებდა, ვიდრე ქრისტიანულ ღვთისმოსაობასთან. „სულ მალე მიეჩინა იმას, რომ მიწის ნაყოფით სავსე კალათი კი არ მიეტანა მოწამეთა საფლავზე, არამედ წმიდა აღთქმებით აღსავსე გული, და შეძლებისდაგვარად გაეკითხა გლახაენი; ასე ხდებოდა ზიარება უფლის სხეულთან, რადგანაც მარტივილი ქრისტეს ვნების მიბაძვით ემსხვერპლენებს რწმენას და მოწამეობრივი გვირგვინი დაიდგეს თავზე“, – ვკითხულობთ ნეგრარი ავგუსტინეს „აღსარებაში“ [4, 167]. მონიკას მიერ მიცვალებულთათვის შესრულებული მოსახესენებელი ტრაპეზი refrigerium-ის სახელით არის ცნობილი. საფლავების წარწერებზე refrigerium ან refrigerare (გაცივება, გაგრილება) ცალკე ან pax-თან (მშვიდობა, სიმშვიდე) ერთად ხშირად გვხვდება სიტყვების – „განსვენება“, „განისვენება“ ნაცვლად [5, 56]. ეს refrigerium-ი ჯერ კიდევ ტერტულიანებთან (III ს.) დასტურდება, სადაც ის სულების დროებით ბედნიერებას ნიშნავს, რომელებიც, ტერტულიანებს აზრით, ქრისტეს აბრაამის წიაღში დაბრუნებას ელიან [3, 831]. ფ. არიესის მიხედვით, ვულგატაში, ბიბლიის ლათინურ თარგმანში, სამოთხე refrigerium-ის – გასაგრილებელი ადგილის სახელით მოიხსენიება [5, 56]. შუა საუკუნეების ზოგიერთი ტექსტი ხშირად ასესენებს refrigerium-ს, რომელიც ძალიან ახლოს არის ახალ აღთქმისებულ აბრაამის წიაღთან, მაგრამ მათი აღრევა არ ხდება და, რადგანაც აბრაამის წიაღი განსაწმენდელის პირველ ქრისტიანულ ხორცშესხმადა მიჩნეული, refrigerium-საც განსაწმენდელის წინარე ისტორიაში, ტერტულიანებს კონცეფციის გამო, განსაკუთრებული ადგილი უკავია. ამგვარად შეიძლება ითქვას, რომ საღვთისმეტყველო დონეზე განსაწმენდელის იღეთ გაჩენა ტერტულიანეს refrigerium-ს დაუკავშირდა, მაგრამ ამ შუალედური ადგილის დოგმატურ დონეზე გაფორმებას ან თუნდაც მოწმუნებებში მასობრივ დონეზე გავრცელებას კიდევ ათი საუკუნე დასჭირდა.

„განსაწმენდელის ჰემარიტი ისტორია, – წერს უკა ლე გოფი, – პარადოქსით იწყება, თანაც ორმაგი პარადოქსით. ისინი, ვისაც ჩვენ განსაწმენდელის დოქტრინის „ფუძემდებლები“ შეგვიძლია ვუწოდოთ, ბერძნი თეოლოგები არიან“ [3, 839]. თუმცა, შენიშნავს ისტორიკოსი, თეორია, რომელიც

ბერძნებმა ოქოლოგებმა შეიმუშავეს მწვალებლურია, როგორც ლათინური, ასევე ბერძნული ქრისტიანობის თვალსაზრისით. აქ, ამ საკითხთან დაკავშირებით ავტორი არ მიმოიხილავს საიქიოს ბერძნულ კონცეფციებს, გარდა მათი (ბერძნების – რ. ლ.) დაპირისპირებისა ლათინების შეხედულებებთან განსაწმენდელის შესახებ 1274 წლის ლიონის მეორე კრებაზე, შემდეგ კი (ამ გამოკვლევის ქრონოლოგიურ ჩარჩოებს მიღმა) ფლორენციის კრებაზე 1438-1439 წელს. ლე გოფის აზრით, ორ ეკლესიას, ორ სამყაროს შორის უთანხმოებამ, რომელიც გვიანი ანტიკური ხანიდან დაიწყო, განსაწმენდელის ისტორია დასავლეთის და ლათინების საქმედ აქცია [3, 839].

განსაწმენდელის წარმოშობის ისტორიის დასაწყისში ფრანგი ისტორიკოსი განსაწმენდელის ორ ბერძნ „გამომგონებელს“ კლემენტ ალექსანდრიელს (გარდ. 215 წლამდე) და ორიგენეს (გარდ. 253/254) ახასიათებს. მათი დოქტრინის საფუძველი, ერთი მხრივ ბერძნული ფილოსოფიური და რელიგიური მემკვიდრეობიდან მომდინარეობდა, მეორე მხრივ ბიბლიისა და იუდაისტურ-ქრისტიანული ესქატოლოგიის ორიგინალური ნააზრევიდან. ანტიკური საბერძნების თრივე თეოლოგის მიხედვით, დმერთის მიერ დაისრებული სასჯელები დასჯას კი არ ემსახურებოდა, არამედ აღზრდისა და ცხონების საშუალება, განწმენდის პროცესი იყო. ორიგენე ხშირად ახსენებდა „განმასპერაკებელ ცეცხლს“, რაშიც იგი სულის ტანჯვას გულისხმობდა და, რომელიც მისი apokatastasis panton-ის – ყველა ცოცხალი არსების აღდგენა-აღორძინების ვარაუდიდან მომდინარეობდა [3, 842-843].

მაგრამ, ავტორის აზრით, მომგვალი განსაწმენდელის საქმეში ძირითადი ელემენტების შეტანა შეა საუკუნეების ყველაზე დიდ ავტორიტეტს ნეტარ ავგუსტინეს მიეწერება. ავგუსტინემ პირადი ტრაგედიის მაგალითზე, დედის გარდაცვალების შემდეგ გააცნობიერა მიცვალებულთათვის ლოცვების მნიშვნელობა. თუმცა კი იმის გადაწყვეტა მოხვდებოდა თუ არა მონიკა სამოთხეში მხოლოდ დმერთს შეეძლო, ნეტარი ავგუსტინე დარწმუნებული იყო, რომ მისი ლოცვები უზენაესის გადაწყვეტილებაზე გავლენას იქონიებდა. დმერთის სამსჯავრო, ავგუსტინეს მიხედვით, არ იქნებოდა თვითნებური და მისი (ავგუსტინეს – რ. ლ.) პირადი ლოცვა არც უაზრობა იყო და არც სითამამე [3, 854]. მასვე კუთვნის ზოგიერთი შენიშვნა III-IV სს-ის მამების სწავლებაში სამსჯავროს ცეცხლზე და სიკვდილის შემდგომ სათავსებზე. მართალთათვის განუჟოვნილი აბრამის წიაღი მდიდარისა და ლაზარეს იგავის ახსნა-განმარტებას და პავლე მოციქულის ეპისტოლეს (I კორ. III, 10-15) დაემყარა, ხოლო „დაბადების კომენტარებში მანიქევლთა წინააღმდეგ“ (398 წ.) მან განსახვავა განწმენდისა და განკიცხვის (დასჯის) ცეცხლი, ე. ი. ამქვეყნიური ცხოვრების შემდეგ ან განწმენდის ცეცხლი იქნებოდა, ანდა მარადიული სასჯელი [3, 857].

ლე გოფის აზრით, არ უნდა დავაცალკევოთ ავგუსტინეს კონცეფციები განსაწმენდელის ცეცხლის შესახებ და მისი ესქატოლოგიურ დოქტრინა, კერძოდ კი მისი დამოკიდებულება მილენარიზმისადმი [3, 872]. იუდაიზმისაგან მემკვიდრეობით მიღებულმა რწმენამ, ბოლო უამს პირველ ფაზაში დედამიწაზე ათასი წლის მანძილზე ბერძნიერებისა და მშვიდობის დადგომის შესახებ, მილენარიზმის (ბერძნ. პილიაზმის) დოქტრინას დაუდო სათავე. ფრანგი ისტორიკოსის დაკვირვებით, მილენარიზმის მოდა ქრისტიანებში II საუკუნეში აღწევს აპოგეას და შემდეგ მცირდება. მაგრამ საბოლოოდ არ ქრება და შეა საუკუნეებშიც აქცს მეტ-ნაკლებად ძლიერი და ხანგრძლივი გამოვლინებები [3, 873].

თავი – „განსაწმენდელის ცეცხლი და ავგუსტინეს ესქატოლოგია“ მთლიანად დასავლური ეკლესიის მამის ესქატოლოგიურ დოქტრინას ეძღვნება. ლე გოფი მიგვითორობს, რომ ნეტარმა ავგუსტინემ ტრაქტატის – „დმერთის ქალაქის შესახებ“ (De civit. Dei) XX წიგნი ბოლო უამს მიუძღვნა, სადაც მკაცრად გააკრიტიკა მილენარიზმი, მიუხედავად იმისა, რომ ახალგაზრდობაში თავადაც მილენარიზმისტი იყო. ავგუსტინეს მიხედვით, ათასი წელი ქრისტეს მოსელასთან ერთად დაიწყო და ნათლისელებით უწყვეტად გრძელდება, რომელიც ადამიანთათვის სულების პირველი აღდგომა. მისი თქმით, მომავალი ათასი წლის რწმენა ისეთივე შეცდომაა, როგორიც ებრაელების მიერ მესის მუდმივი მოლოდინი. ათასი წელთან დაკავშირებით ავგუსტინეს აღეგორიული ინტერპრეტაცია ეკუთვნის: ათასი, რომელიც სასრული რიცხვია, ათი კუბში, დროის სიჭარბეს (სისრულეს) აღნიშნავს. მეორე მხრივ, იგი ამცრობს აპოკალიფის იმ ეპიზოდის მნიშვნელობას, სადაც ანტიქრისტეს მოსვლაზე საუბარი, რომელმაც დედამიწაზე ათასი წლის დადგომამდე უნდა იბატონოს. ავგუსტინეს მტკიცებით, ანტიქრისტეს მეფობა ხანმოკლე იქნება და რომ ამ მფობის დროს არც ქრისტე და არც ეკლესია (რომელიც არ გაქრება) არ მიატოვებენ ადამიანებს. განკიცხვის დღემდე პირველი აღდგომის ავგუსტინესეული უარყოფა განსაწმენდელის ცეცხლის შესახებ დასაბუთებას უკავშირდება, რასაც ზოგი მიცვალებული სიკვდილსა და აღდგომას შორის გაივლის, ისე რომ, წერს ჰლე გოფი, ამ ინტერვალში სხვა ესქატოლოგიურ მოვლენას არ ჰქონდეს ადგილი [3, 873].

კლემენტ ალექსანდრიელის, ორიგენეს და ნეტარი ავგუსტინეს შემდეგ ლე გოფი განსაწმენდელის უკანასკნელ „ფუძემდებლად“ გრიგორ დიდს ასახელებს. მისი აზრით, გრიგორ დიდის შენატანი განსაწმენდელის დოქტრინაში სამაგია. თავის თხზულებაში („Moralia in Job“) ის გარკვეულ დაზუსტებას იძლევა საიქიოს გეოგრაფიაში, ხოლო დიალოგებში, მოჰყავს რა ზოგიერთი დოქტრინა-ლური მითოთება, იგი მირითადად მოგვითხოვობს ამბებს, სადაც მკვდრები განკითხვის დღემდე ცოდვების გამოსყიდვის მომენტში წარმოგვიდგებიან. და ბოლოს, ისტორია გოთების მეფის თეოდორის შესახებ, რომელიც ჯოზორებული ხვდება. მართალია, ლე გოფის მიხედვით, ამას „განწმენდის“

ადგილთან კავშირი არა აქვს, მაგრამ მოგვიანებით განსაწმენდელის მიწაზე ლოკალოზაციის უძველეს დასაბუთებად იქნება მიჩნეული [3, 879].

გრიგოლ დიდიდან XII ს-მდე, თოთქმის 5 საუკუნის განმავლობაში, განსაწმენდელის მონახაზს პროგრესი არ განუცდია, მაგრამ ცეცხლი, წერს ჟ. ლე გოფი, ყოველთვის არსებობს და თუ თეორიულ პლანში, ხილვებსა და საიქიოში მოგზაურობის სფეროში, თეოლოგიური სიახლე არ არის, ლიტერატურულ სფეროში განსაწმენდელის ცეცხლისთვის სივრცე ისახება და ურთიერთობები ცოცხლებსა და მკვდრებს შორის უფრო მჭიდრო ხდება [3, 889]. ადრე შეა საუკუნეების ღოქტრინიალურ სტაგნაციის ხილვების სიჭარბე ცვლის. მართლაც, ღოქტრინიალური უძრაობის მიუხედავად სხვა ტიპის დიტერატურამ: საიქიოს ხილვებმა და წარმოსახვითმა მოგზაურობებმა ნიადაგი მოამზადეს მომავალი განსაწმენდელისათვის. ეს ტრადიციული უანრი იუდაისტერ-ქრისტიანული აპოკალიფსური ლიტერატურის წიაღში აღმოცენდა და განსაკუთრებით დავალებულია პეტრესა და პავლეს აპოკალიფსებისაგან. გარდა ამისა, ჟ. ლე გოფის აზრით, ამ ლიტერატურას ორგვარი ტრადიციის კვალი ატყვა: მელი წარმართული კელტური და გერმანული კულტურების მოგზაურობებისა საიქიოში [3, 902-903]. საიქიოს შეა საუკუნეების ხილვების ფუძემდებლად კი ფრანგი ისტორიკოსი „ინგლისის საეკლესიო ისტორიის“ ავტორს, დირს ბედას მიიჩნევს. „საეკლესიო ისტორიაში“ აღწერილ ერთერთ ხილვაში პირველად წნდება საიქიოს განსაკუთრებული ადგილი, სადაც სულები გარდაცვალების შემდეგ განიწმინდებიან [3, 907-908].

კიდევ ერთი გზა, რომელმაც ლათინური ეკლესია განსაწმენდელამდე მიიყვანა სადგოთ ლიტერგია იყო. ერთი მხრივ, თითქმის არაფერი მიანიშნებდა იმაზე, რომ სიკვდილის შემდეგ ადამიანებს ცოდვები მიეტევებოდათ, მაგრამ მეორე მხრივ, ცოცხალთა დაცვაგებელი მიცვალებულთათვის ლოცვისათვის ახალი რწმენისათვის ადგილს ამზადებდა. დაკრძალვის ეპიგრაფიკაში კარგად ჩანს ქრისტიანთა ზრუნვა მათი მიცვალებულებისათვის. ეს ზრუნვა ლიტურგიაშიც იგრძნობა. კაროლინგების ხანაში ზოგიერთ მონასტერში ცოცხლებისა და მიცვალებულების სახელებს იწერდნენ, რომლებიც წირვაზე უნდა მოეხსენებინათ. ამან შეცვალა ძველი დიატიქები, ცვილის ფირფიტები, სადაც შემოწირველთა სახელები იყო მოხსენიებული, მაგრამ ეს სიცოცხლის წიგნებს (Libri vitae) წარმოადგენდა, შემდგომში კი მიცვალებულები ცოცხლებს გამოყვნენ [3, 922]. VII საუკუნიდან ირლანდიის სამონასტრო თემებში თავიანთი გარდაცვლილების სახელებს გრაგნილებზე აღნიშნავდნენ, რომელიც თემის ყველა მონასტერში ვრცელდებოდა. ამას ნეკროლოგები მოჰყვა, მიცვალებულთა სიები, რომლებსაც კალენდრის არშიებზე ათავსებდნენ და ცისკრის მსახურების დროს კითხულობდნენ. ჟ. ლე გოფი აღნიშნავს, რომ ამ პრატიკამ კაროლინგთა ხანიდან (IX-X სს.) გრიგორე VII-ის რევორმადე (XI ს-ის ბოლო) ეკლესია განიცადა: საერთო მოხსენიება ინდივიდუალურმა მოხსენიებამ შეცვალა. კაროლინგური სხევნის წიგნები (libri memoriales) 15.000-დან 40.000-მდე სახელს მოიცავს. კლიუნიური ნეკროლოგები კი თითოეულ კალენდარულ დღეზე 50-დან 60-მდე სახელს მოიხსენიებს. ამიერიდან, წერს ჟ. ლე გოფი, ლიტურგიული სხევნის მყარად აქვთ გარანტირებული სახელდებით მოხსენიებულ მიცვალებულებს. სამგლოვიარო სიებში ინდივიდუალური სიკვდილის დრომ დაისადგურა [3, 923]. მედიევისტები ამ ეკლესიაში კლიუნიური ორდენის როლს გადამწყვეტ მნიშნელობას ანიჭებენ. XI ს-ის შეა ხანებში, დაახლოებით 1024-1033 წწ. შორის, კლიუნის მონასტერმა მიცვალებულთა მოხსენიების დღე და კლიუნიდან დღესასწაულის მომღებნო დღე, დაადგინა. ქრისტიანობაში ამ ორდენის ავტორიტეტი იმდენად დიდი იყო, რომ „მიცვალებულთა დღესასწაული“ მაღალ ყველგან აღინიშნებოდა. ცოცხლებსა და მკვდრებს შორის ამგვარმა სახეიმო კავშირმა ის ადგილი მოამზადა, სადაც განსაწმენდელი უნდა დაბადებულიყო.

წიგნის მეორე ცენტრალურ ნაწილში (XII საუკუნე: განსაწმენდელის დაბადება) აგტორი უფრო აკონკრეტებს და აღრმავებს კალევას. XII ს-ის დასაწყისში, იმ პერიოდის დოკუმენტებზე დაკრძნობით, მიცვალებულების მიმართ დამოკიდებულება ასეთია: საშინელი სამსჯავროს შემდეგ მარადისობაში ადამიანთა ორი ჯგუფი იარსებებს: რჩეულნი და განკიცხულნი. მათი ხვედრი არსებითად სიცოცხლეში ჩადენილი საქციელით განისაზღვრება: რწმენა და კეთილი საქმეები ცხონებას განაპირობებს, უძმეროობებს და ცოდვებს კი ადამიანი ჯოჯოხეთში მიჰყავს. ჟ. ლე გოფის მიხედვით სადვითსმეტყველო ლიტერატურული სიკვდილსა და ადდგომას შორის დოქტრინა არ არის ზუსტად განსაზღვრული [3, 933]. აზრთა სხვადასხვაობა შეალებული კატეგორიის არსებობასთან დაკავშირებითაც, რაც სამოთხეში დამკიდრებამდე ზოგიერთი მიცვალებულის განწმენდას გულისხმობს. ერთი ფიქრობენ, რომ ეს განწმენდა საშინელი სამსჯავროს დროს მოხდება, მეორენი თვლიან, რომ ყველა მიცვალებული – მართლების, წმინდანების, მოციქულების ჩათვლით – გაიკლის ამ განსაზღვრებს. მართალთათვის ეს მხოლოდ ფორმალობა იქნება, უღმრთოთათვის – განაჩენი, თითქმის სრულყოფილთათვის – განწმენდა. სხვა მოხსენებით კი, მხოლოდ ისინი, ვინც მაშინვე არ ხვდებიან სამოთხეში ან ჯოჯოხეთში, აბარებენ ამ გამოცდას. რას გულისხმობს ეს განწმენდა-გამოცდა? როგორც ისტორიკოსი შენიშნავს, პავლე მოციქულის I ეპისტოლებზე დაყრდნობით (კორ. III, 10-15), აგტორთა უმრავლესობა თვლის, რომ ეს ცეცხლის გარკვეული სახეობა იქნება, მაგრამ სხვათა აზრით, განწმენდის იარაღები სხვადასხვაგვარია და „განსაწმენდელის სასჯელებს“ (poenae purgatoriae) მოიხსენიებენ. სად მოხდება განწმენდა? განსაწმენდელის ლოკალიზაციასთან დაკავშირებით კიდევ უფრო მრავალფეროვანი მოსაზრებები არსებობს. ლე გოფი აღნიშნავს, რომ ამ საკითხის შესახებ არავინ იძლევა კონკრეტულ პასუხს. მაგალითად, გრიგოლ დიდი თავის ანეკდოტებში

გვარწმუნებდა, რომ განწმენდა ცოდვის ადგილებში მოხდებოდა, ხოლო საიქიოზი წარმოსახვითი მოგზაურობების ავტორებმა არ იცოდნენ ის ადგილი, სადაც განსაწმენდელის ცეცხლი უნდა ყოფილიყო. საბოლოო ჯამში, შეაღედურ კატეგორიასთან (ჟ. ლე გოფის გამოთქმა – რ.ლ) დაკავშირებით დიდი გაურკვევლობა სუფევდა და ოუ კი ცეცხლის ცნება (იგი მპეტორად იყო გამიჯნული გეგნის მარადიული ცეცხლისაგან) ფართოდ იყო აღიარებული, ცეცხლის ლოკალიზაციას ყველა დუმილით გვერდს უვლიდა [3, 934].

წიგნის ამ ნაწილის ერთ-ერთი თავი „Locus Purgatorius“: „განწმენდის ადგილი“ კონკრეტულად განსაწმენდელის დაბადებას ეძღვნება. ჟ. ლე გოფი არკვეგს დათარიღების საკითხს და მიუთითებს, რომ შეა საუკუნეების ტექსტებში, 1170 წლამდე განსაწმენდელი არ არსებობს. მისი დაკვირვებით, სწორედ ამ დროიდან ჩნდება განსაწმენდელი როგორც საიქიოს განსაზღვრული ადგილი, ხოლო გრამატიკულად არსებითი სახელი purgatorium². ეს ტექსტი, სადაც ლე გოფი შეა საუკუნეების ლათინურში ახალ არსებით სახელს აფიქსირებს არის ქადაგება, რომელიც პარიზის ეკლესიის კანცლერს პიერ კომესტორს (Comestor), იგივე მანდუკატორს (Manducator) ეკუთვნის³ პარიზის ლეტის-მშობლის ტაძრის სკოლის მასწავლებელი, პიერ კომესტორი ამ ქადაგებაში, რომელიც 121-ე ფსალმუნის კომენტარს შეეხება, ზეციური იერუსალიმის შენებაში სამ ფაზას განარჩევს: გამოყოფა, განწმენდა და მარადიული მდგომარეობა. მეორე ფაზასთან დაკავშირებით ქადაგების ავტორი აზუსტებს, რომ განსაწმენდელში ისინი განიხანებიან, ვინც ხოთ, თვით და ნამჯით გაივლიან ამ ფაზას⁴. ლე გოფი თვლის, რომ პიერ კომესტორმა პირველად იხმარა არსებითი სახელი purgatorium და ამდენად ამ ნებლოგიზმის გამომგონებელი თუ არა, ერთ-ერთი პირველი მომხმარებელია, რაც, მისი აზრით, საიქიოს გეოგრაფიის რევოლუციურ განვითარებასთან არის დაკავშირებული. რაც შეეხება ქრონილოგიას, მიუხედავად კომესტორის მრავალრიცხვანი თხზულებებისა და ქადაგებათა დათარიღების სირთულისა, ისტორიკოსი დასკვნის, რომ განსაწმენდელის დაბადება 1170-1180 წლებზე მოდის. ამ პიპორეზით, 1170 წლისა და 1178-1179 წწ. შორის (კომესტორის გარდაცვალების თარიღი), მას უნდა ეხმარა ნებლოგიზმი purgatorium, რომლის დაბადებაც ათწლეულის განმავლობაში, 1170-1180 წწ. მოხდა [3, 958-961].

XIII ს-ის დასაწყისში განსაწმენდელის დაბადებით საიქიოს ახალი სისტემა წარმოიქმნა. დაახლოებით 1200 წლისათვის განსაწმენდელი საბოლოოდ დამკვიდრდა. განსაწმენდელის ლოგიკის შესახებ მსჯელობისას ჟ. ლე გოფი წერს: „მკვდრები მხოლოდ ცოცხლებით და ცოცხლებისათვის არსებობენ. ინოკენტი III-მ თქვა: ცოცხლები იმიტომ პატრონობენ მიცვალებულებს, რომ თვითონაც მომავალი მკვდრები არიან. ქრისტიანულ საზოგადოებაში, განსაკუთრებით შეა საუკუნეებში, მომავალს მხოლოდ ქრონილოგიური დატვირთვა არ ჰქონდა, მას პირველ რიგში და მირითადად ესქატოლოგიური მნიშვნელობა ჰქონდა. ბუნება და ზებუნებრივი, სააქაო და საიქიო, გუშინ, დღეს, ხვალ და მუდამ – მარადიულობა ერთიანი იყო“ [3, 1023]. ახალი აღთქმა აღწერს საშინელი სამსჯავროს სცენას, რომლითაც სამყაროსათვის ფარდა იხურება, ხოლო მარადისობისათვის იხსნება. ეს არის დიდი გამორჩევა თხებისა ცხვრებისაგან, მართლები მარჯვნივ, წეველი მარცხნივ (მათე XXV, 31-46). ეს სულიწმინდის მოსვლაა, მაგრამ მომავალი სამსჯავრო მხოლოდ ორ შესაძლებლობას მოიცავს: სიცოცხლე ან სიკვდილი, სინათლე ან სამუდამო ცეცხლი, ზეცა ან ჯოჯოხეთი. განსაწმენდელი, წერს ლე გოფი, დამოკიდებული იქნება ნაკლებად საზეიმო ვერდიქტზე, კერძო სამსჯავროზე სიკვდილის შემდგომ, როგორც წარმოუდგენია შეა საუკუნეების ქრისტიანულ წარმოსახვას მიცვალებულის სულისათვის ბრძოლა ანგელოზებსა და დემონებს შორის. რამდენადაც განსაწმენდელის სულები მართალი სულებია, რომლებიც ბრძოლის ცხონდებიან, ისინი ანგელოზებზე არიან დამოკიდებული, მაგრამ სრულ სასამართლო პროცედურას გაივლიან. მათ ნამდვილად შეუძლიათ დაიმსახურონ სასჯელის მიტევება, წინასწარი განთავისუფლება, მაგრამ არა კარგი საქციელის, არამედ გარედან ჩარევის, ლოცვების წყალობით. ამგვარად, დასასკვნის ისტორიკოსი, სასჯელის ხაგრძლივობა დმერთის გულმოწყალების გარდა, მიცვალებულის პირად დამსახურებებზე და ეგლების ლოცვებზე არის დამოკიდებული, რომლებსაც მისი მშობლები და მეგობრები აღავლენებ [3, 1024-1025].

განსაწმენდელის დაბადებამ ცოდვისა და მონანიების ახალი კონცეფციები წარმოშვა. ცოდვათ იქრარქიაში, რომელიც ქრისტიანობის პირველ საუკუნეებში დადგინდა, მომაკვდინებელი ცოდვების გვერდით მისატევებელი ცოდვების ცნება დამკიდრდა. მისატევებელ ცოდვებს გრძელი ისტორია აქვს და მისი სათავე წმინდა წერილიდან, მოციქულ იოანეს I ეპისტოლებაზე (V, 16-17) მომდინარეობს. ცნების მონახაზი, რომელიც ტერტულიანეს ეკუთვნის, წმ. ავგუსტინები და გრიგორი დიდმა დააკონკრეტებს. მათ მიერ ნახმარი ტერმინები იყო: წვრილი, პატარა (minuta), მცირე (parva, minor), მსუბუქი (levia, leviora), ყოველდღიური (quotidiana). ტერმინი მისატევებელი (veniale, venialia) ხმარებაში მხოლოდ XII ს-ში შემოვიდა, ხოლო დაპირისპირების სისტემა მომაკვდინებელ და მისატევებელ ცოდვებს შორის ამავე საუკუნის მეორე ნახევარში ჩამოყალიბდა. რა ურთიერთობა არსებობს მისატევებელ ცოდვასა და განსაწმენდელს შორის? რამდენადაც, წერს ლე გოფი, სინამდვილეში გან-

² სახელი წარმოიქმნა ლათინური ზმინდაზ: purgare (purga, purgari, purgatum) – განწმენდა, გასუფთავება.

³ ლათინური Comestor და Manducator იგივეა, რაც ფრანგული Mangeur, ჟ. ი. მჭამელი, დორმულება. ლე გოფი ყველგან ხმარებს Pierre le Mangeur-ს.

⁴ იხ. მოციქულ პავლეს I ეპისტოლებაზეც კორინთელთა მიმართ III, 12-15.

საწმენდელი არ არსებულა და მისატევებელი ცოდვის განსაზღვრებაც ბუნდოვანი იყო ისეთი ტენდენცია არსებობდა, რომ ეს ცოდვები ლოცვით, მოწყვალებით, აღსარებით და, ალბათ, როგორც თვით ავგუსტინებმ განკვრიტა განსაწმენდელის ცეცხლში წარიხოცებოდა [3, 1035]. წმინდა ბერნარი არ ხმარობს გამოთქმას „მისატევებელი“, არამედ „ყოველდღიურს“, უფრო „პატარას“ (minora), ანუ რომელიც მომაკვდინებელი არ არის. იგი თვლის, რომ ლოცვა საუკეთესო საშუალებაა ამ ცოდვებისაგან განსაწმენდად, მაგრამ, მისივე აზრით, აღსარება უსარგებლოა ზოგიერთი ცოდვისათვის. ლე გოფის მიხედვით, XII ს-ის ევრლუციამ მისატევებელი ცოდვა განსაწმენდელთან დაახლოვა. მართლაც, მისატევებელ ცოდვასთან დაკავშირებით განსაკუთრებით არცოდნის კრიტერიუმს იყენებდნენ, რასაც თეოლოგები სულ უფრო და უფრო მნიშვნელოვნად თვლიან. „მასაშადამე, – წერს ის-ტორიკოსი, – თუ შეცდომას (culpa) გამოვრიცხავთ, რჩება სასჯელი, რომელიც განსაწმენდებელში წარიხოცება, რამდენადაც პავლე მოციქულის I ეპისტოლებს (კორ. III, 10-15) ახსნა-განმარტებას ხის, თვის და ნამჯის ნაგებობების მისატევებელ ცოდვებთან მსგავსებასთან მივყავართ (ვინაიდან ამგვარი შენობები, ჩვეულებრივ, ცეცხლში ნადგურდება, მაგრამ საშუალებას აძლევს მის მაშენებელს ცეცხლის საშუალებით გადარჩეს), მისატევებელი ცოდვებიც განსაწმენდებელში განიწმინდება“ [3, 1035]. ამავე დროს, მას მიაჩნია, რომ საკითხის დასმა, თუ რომელ ცოდვებს მივყავართ განსაწმენდებელში, არ არის გრიგორიული. თუ მართალია, რომ მისატევებელი ცოდვისა და განსაწმენდებელის ცნება ერთად განხნდა და, რომ მათ შორის ჭიდვრო ურთიერთობა დამტკრდა, XII ს-ის ბოლოსა და XIII ს-ის დასაწყისის კლერკებს ფიქრის მთავარ საგნად აბსტრაქციები კი არ ჰქონდათ, როგორიცაა დანაშაული, ცოდვა, შეცდომა, არამედ მათ ძირითადად ადამიანები აინტერესებდათ, მათი საზრუნავი საზოგადოება იყო [3, 1036].

თავისი გამოკვლევის მესამე ნაწილში – „განსაწმენდელის ტრიუმფი“, ჟ. ლე გოფი ეხება განსაწმენდელის აღიარების საკითხს ყველა დონეზე და, პირველ რიგში, ლათინური ეკლესიის მიერ ოფიციალურ ფორმულირებას დოგმატურ დონეზე. როგორც ითქვა, ბერძნული ეკლესია განსაწმენდებელის დოქტრინის შემუშავების სათავეებთან იდგა, მაგრამ არ განუვითარებია ეს საფუძვლები. იგი (ბერძნული ეკლესია – რ. ლ.) დაქმაყოფილდა სიკედილის შემდეგ გამოსყიდვის რწმენის შესაძლებლობით და ლათინურისაგან ოდნავ განსხვავებული პრაქტიკით: ლოცვებით და მოსახსენებლებით მიცვალებულთათვის. სამაგიეროდ, ლათინური რწმენა საიქოს მესამე ადგილის დაბადებით და იმპერიური სამყაროს ძირული გადაკეთებით გაითურჩენა. განსაწმენდელის პორბლებამ ორ ეკლესიას შორის დისკუსიები და განხეთქილებები წინა პლანზე წამოსწია. ამ კამათის პირველი ფაზა ძირითადად განსაწმენდელის ცეცხლის გარშემო მიმდინარეობდა. წმინდაწყლის რელიგიური სიძნელების გარდა, XII ს-ის I ნახევარში მიმდინარე მოლაპარაკებები პოლიტიკურ დაბრკოლებებს შეეჯახა. აპარა მეოთხე ჯვაროსნული ლაშქრობის შემდეგ, 1204 წელს დაარსებულ ლათინთა იმპერიას უჭერდა მხარს, ბერძნები კი ნიკეაში გამაგრებულ ბიზანტიის იმპერატორს ცნობდნენ [3, 1109].

ჟ. ლე გოფს დაწვრილებით მოტყავს ბერძნულ-ლათინური კამათის ამსახველი რელაცია, რომელიც კორფუს მიტროპოლიტის გიორგი ბარდანქისისა და პაიის ქლჩის ფრანცისკელი ბერის, ბართლომეს დაპირისპირებას შეეხება. ეს დისკუსია ბერძნულ მონასტერ Casole-ში, ოტრანტოს მახლობლად, 1231 წელს შედგა. გიორგი ბარდანქისი ბრალს სდებდა ფრანცისკელებს, რომ ისინი ხოტბას ასხამდნენ ცრუ დოქტრინას, რომლის მიხედვითაც არსებობდა განმასპერაკებელი ცეცხლი, სადაც ისინი იგზავნებოდნენ, ვინც ცოდვების მონანიება ვერ მოასწრეს, მაგრამ საშინელ სამსჯავრომდე განიწმინდებოდნენ და სასჯელისაგან განთავისუფლდებოდნენ. მოპაექრის დასარწმუნებლად კორფუს მიტროპოლიტმა საღვთო წერილის ავტორიტეტებას არაერთხელ მოუხმო, მაგრამ ამასაც არ დაუშვებია ფრანცისკელი და ორიგე საჭუთარ პოზიციაზე დარჩა [3, 1110-1111].

ინოკენტი IV-ის პოტიფიკატის ბოლო წლებში, ბერძნებსა და ლათინებს შორის დისკუსიების ატმოსფერომ სახე იცვალა. სიკედილამდე რამდენიმე კვირით ადრე, 1254 წლის 6 მაისს, პაპმა თავის ლეგატს ბერძნებთან კვიპროსზე ოფიციალური წერილი გაატანა, რაც განსაწმენდელის ისტორიაში ერთ-ერთი მნიშვნელოვანი თარიღია. პაპი მიუთითებდა, რომ ბერძნებსა და ლათინებს შორის საკმარისად არსებობდა შეების წერილები, მაგრამ ჩრდილში ტოვებდა სახოთირო საკითხს განსაწმენდელის ცეცხლის შესახებ. ამავე დროს, იგი მბრძანებლურად მოითხოვდა, რომ ბერძნებს განსაწმენდელის დეფინიციაზე ხელი მოუწერათ. ჟ. ლე გოფს მოტყავს ამ წერილის ტექსტი: „რადგან ჭეშმარიტება სახარებაში ამტკიცებს, რომ სულიწმინდის გმობა არც აქ და არც იმქვევნად არ მიეტევება ადამიანს, რაც ისე უნდა გავიგოთ, რომ ზოგიერთი ცოდვა მისატევებელია ამქვეუნად და ზოგიც საიქოსი; რადგან მოციქულიც ამბობს, რომ თითოეულის საქმეს ცეცხლი გამოცდის, ვისი საქმეც დაიწვება, ის იზარალებს, თვითონ კი გადარჩება, მაგრამ როგორც ცეცხლისაგან; რადგან თვით ბერძნებსაც ჭეშმარიტად სწამო და უყოფებანობ აღიარებენ, რომ მათი სულები, ვინც მონანიების ან მომაკვდინებელი ცოდვის გარეშე გარდაიცვლებიან, მაგრამ მისატევებელი ცოდვები და მცირე შეცდომები აქვთ ჩადენილი, სიკედილის შემდეგ განიწმინდებიან, რაშიც გადასის ლოცვები ეხმარებათ. მხედველობაში ვიღებთ რა, ბერძნების მტკიცებას, რომ თავიანთი ეკლესიის მამებთან ვერ მოქმედნეს საკუთარი და უტყუარი სახელი ამ განწმენდის ადგილის აღსანიშნავად და, რომ ტრადიციებისა და წმინდა მამათა მიხედვით, ეს სახელი განსაწმენდელია, ჩვენ გვინდა, მომავალში ეს სახელწოდება მათ მიერაც იყოს მიღებული. რადგან ამ დროებით ცეცხლში მსუბუქი და პატარა ცოდვები და, რა თქმა უნდა, არა დანაშაულები და მთავარი შეცდომები, რომლებიც მონანიებით არ იქნა მიტევებული.

ლი, განწმენდას ექვემდებარება“.¹ ლე გოფი ხაზს უსვამს, რომ ინოკენტი IV-ის წერილი განსაწმენ-დელის, როგორც ადგილის, გაჩენის დოქტრინალური აქტი იყო [3, 1112].

განსაწმენდელის ლათინურ ეკლესიაში დამკიდრების თვალსაზრისით, ჟ. ლე გოფი ვრცლად ეხება ლიონის მეორე კრების (1274 წ.) პერიპეტიებს. აქ ავტორი მოუხმობს ერთ-ერთს იმ მრავალ ეპიზოდთაგან, რომელმაც გარკვეული კვალი დააჩნია ბერძენ-ლათინთა პოლემიკურ მოლაპარაკებებს XIII ს-ის III მეოთხედში. ნიკოლა ლე დურაზომ, კროტონის ეპისკოპოსმა დაწერა პასკილი: „სულიიშიდის გადმოსვლასა და სამებაზე ბერძენების შეცდომების წინააღმდეგ“, რომლის ლათინური ასლი 1262 წელს გაეგზავნა პაპ ურბან IV-ს, რომელმაც თომა აქვინელის აზრი ითხოვა. პასკილის ავტორი ცდილობდა დაემტეიცებინა, რომ XIII ს-ის ბერძენები აღარ იყენებ ეკლესიის მამების ერთგულნი და იგივე დოქტრინებს აღიარებდნენ, რასაც ლათინები. „სინააღმდეგში, – წერს ლე გოფი, – ეს პასკილი იყო სიცრუის, ფალსიფიკაციის და არასწორი განსაზღვრებების კრებული. თუმცა, პაპობა ფიქრობდა, რომ იგი ბერძენებთან მოლაპარაკებების საფუძვლად გაეხადა“ [3, 1113]. პასკილის საპასუხეოდ 1263 წელს თომა აქვინელმა შეადგინა „ბერძენების შეცდომების წინააღმდეგ“ (Contra errores Graecorum), რომელიც ლათინებისათვის ბერძენების საწინააღმდეგო არგუმენტების არსენალი გახდა. ამ არგუმენტაციაში, რომელიც მირითადად სულიიშინების გადმოსვლას და პაპობის პრიმატს ეხებოდა, თომა აქვინელი განსაწმენდელის არსებობასაც იცავდა [3, 1113].

ამასობაში კი პოლიტიკური სიტუაცია, რომელიც ბერძენების მიერ კონსტანტინოპოლის დაბრუნებისა და ბიზანტიის იმპერიის მოხვენებითი ერთიანობის დამყარების შემდეგ შეიქმნა, ბერძენებსა და ლათინების შორის შერიგების მცდელობისაკენ წარიმართა, რომელსაც ლიონის მეორე კრებამ დაუდო საფუძველი. ლათინ-ბერძენთა უნია პაპ გრიგოლ X-ს პოლიტიკური მიზნებისათვის სჭირდებოდა და პარგად ესმოდა, რომ კავშირი, მით უმეტეს, ისეთი ფორმით როგორც პაპი სთავაზობდა (ლათინური მრწამსის ცნობა, პაპის უზენაესი ხელისუფლების აღიარება), მიუღებელი იქნებოდა ბერძენებისათვის. მიუხედავად წინააღმდეგობისა, ამჯერად უნიის გაფორმებას დაბრკოლებები აღარ შეხვედრია და იმით დასრულდა, რომ 1274 წლის 28 ივნისს, ლიონში პატრიარქმა გერმანებ წირვაზე მრწამსი Filioque-თან ერთად წარმოთქვა. მაგრამ ამ კავშირს არანაირი შედეგი არ მოჰყოლია. ლიონის კრების ოქმებმა დასავლეთსა და აღმოსავლეთს შორის არსებული „დოგმატური“ უფსერული ვერ ამოავსო, პირიქით, გააღრმავა. მაგრამ მან საშუალება მისცა განსაწმენდელს უფრო კარგად მოეკიდა ფეხი ლათინურ ეკლესიაში. მეორე მხრივ, საინტერესო ფაქტი დოგმატურ დონეზე ის არის, რომ მომავალ ორ კრებაზე, შენიშვნავს ჟ. ლე გოფი, რომელმაც საბოლოოდ დააწესა განსაწმენდელის დოგმა დასავლურ ქრისტიანობაში (ფერარა-ფლორენციის 1438-1439 წწ; ტრიენტის 1563 წ.), იგი არასოდეს არ იქნება ეკლესიის მიერ განსაზღვრული როგორც ზუსტი ადგილი ან ცეცხლი. მისი რწმენით, მიუხედავად თეოლოგების დუმილისა და საეკლესიო ინსტიტუციების სიფრთხილისა, განსაწმენდელის წარმატება მისივე სივრცობრივობით და წარმოსახვითობით არის გამოწვეული, რამაც საშუალება მისცა სრულად განვითარებულიყო [3, 1115-1116].

განსაწმენდელის გაჩენისა და გავრცელების მომენტში დასავლეთის ქრისტიანების დამოკიდებულებების წარმოსაჩენად ლე გოფი და მოჰყოლია. ლიონის მეორე კრების შემდეგ მიქაელ VIII პალეოლოგობაში აიძულა ბიზანტიელი სამდლელება პატივი ეცა უნიისათვის. ათონის მონასტრები წინააღმდეგობის ერთ-ერთი მთავარი კერები იყო. 1276 წ. მაისში, იმპერიის პოლიციამ ათონზე თავდასხმის დროს დაარბია დერები და ორი მათგანი, ნიკიფორე და კლემენტი პატიმორობაში აიყვანა. იმპერატორმა ლათინებისადმი მოკრძალების გამო, ვენეციურ ხომალდზე სენ-უან-დ'აკრში, ისინი პაპის ლეგატს გადასცა. ლეგატს, დომინიკელ თომა ლანგტინელს (Thomas de Lentini), რომელიც ამავე დროს აქრის გასიკოპოსი და იურუსალიმის პატრიარქი იყო, გულახდილი დისკუსია პქონდა ორ ბერძენ ბერთან და საბოლოოდ მათი კვიპროსზე გამწერებით დაკმაყოფილდა. კამათში განსაწმენდელის საკითხიც წამოიჭრა:

ლათინი: განსაწმენდელის შესახებ რას იტყვით?

ბერძენები: რა არის განსაწმენდელი და რომელი აღთქმიდანაა იგი?

ლათინი: პავლეს, როცა ის ამბობს, რომ ადამიანები ცეცხლით გამოიცდებიან: „ვისი საქმეც დაიწვება, ის იზარალებს; თვითონ კი გადარჩება, მაგრამ როგორც ცეცხლისაგან“.

ბერძენები: მართალია, ის უსასრულოდ დაისჯება.

ლათინი: ჩვენც ასე ვამბობთ. თუკი ვინმე შეცდობის შემდეგ მოსანინიებლად წავა, მიიღებს შეწყალებას შეცდომისათვის და ამ მონანიების შესრულებამდე მოკვდება, ანგელოზები მის სულს განმასპერაკებულ ცეცხლში ჩაგდებენ ანუ ცეცხლის მდინარეში, ვიდრე არ დასრულდება ზეციური მამის მიერ დაწესებული დრო. სწორედ ამ დარჩენილი დროის დასრულების შემდეგ, ჩვენ ვამბობთ, რომ ის განწმენდილი მიღის მარადიულ ცხოვრებაში. თქვენც ასე ფიქრობთ თუ არა?

ბერძენები: ჩვენ არა მარტო არ ცნობოთ ამას, არამედ ანათემას გადავცემთ, როგორც მამები კრებაზე. უფლის სიტყვის მიხედვით, მართლები, ისევე როგორც ლაზარე აბრაამის წიაღში არიან, ცოდვილები კი მდიდარის მსგავსად გევნის ცეცხლში.

ლათინი: სად განისვენებენ ამჟამად მართალთა სულები?

ბერძენები: უფლის სიტყვის მიხედვით, მართლები, ისევე როგორც ლაზარე აბრაამის წიაღში არიან, ცოდვილები კი მდიდარის მსგავსად გევნის ცეცხლში.

ლათინი: ჩვენი ეკლესიის ბევრი უბრალო მორწმუნე დაითმენს ამას. როგორც ისინი ამბობენ, აღდგენა-აღორძინება (apocatastase) ჯერ არ დამდგარა და ამის გამო, სულები არ განიცდიან არც ტანჯვას და არც ნეტარებას...“. ამ ადგილას ხელნაწერში ლაგუნის გამო ინფორმაციის დასრულება ვერ ხერხდება და ამდენად უცნობია, რას ამბობენ ლათინები საკუთარი რწმენის დასაცავად [3, 1116-1117]. „პირველ რიგში, – წერს ლე გოფი, – მე აღვინიშნავ ამ ლათინის პარადოქსულ შუამდგომლობას apocatastase-ის ორიგენული ცნებისადმი, მაგრამ მწვევება, რომ არსებითი დოქტრინაში კი არ მდგომარეობს, არამედ ლათინების მეტალურ განწყობილებებში, რაც მხედველობაში აქვს თომა ლანგინელს. ბევრ უბრალო მორწმუნეს აღარ აკმაყოფილებს დაპირისპირება: გენეს/აბრაამის წიაღი, ჯოჯოხეთი/სამოთხე. განსაწმენდელის, როგორც სიკვდილსა და აღდგომას შორის უკანასკნელი პერიაეტის და მონანიებისა და ცხონების პროცესის გაგრძელების საჭიროება, მასის მოთხოვნილება გახდა. Vox populi..., ყოველ შემთხვევაში, დასავლეთში“ [3, 1117].

XIII ს-ში განსაწმენდელი თეოლოგიაში და დოგმატური თვალსაზრისით გამარჯვებას ზეიმობდა. მისი არსებობა უტყუარი იყო. ასევე შთამბეჭდავი ჩანდა განსაწმენდელის მიღება მასებისა და მორწმუნების მიერ. როდესაც ეკლესიის ხელდასმით განსაწმენდელი თეოლოგიური განსჯის სიმაღლებიდან ყოველდღიურ სწავლებაში და პასტორალურ პრაქტიკაში დაეშვა, მისი წარმატება აშკარა იყო. XIII ს-ის ბოლოს განსაწმენდელი ყვალებანაა: ქადაგებაში, ანდერძებაში, ლიტერატურაში. მორწმუნე მასებისა და ეკლესიის მთითებების თანხვდრის გამო მისი ოუბილე 1300 წელს, ლე გოფის აზრით, განსაწმენდელის ტრიუმფიად შეიძლება ჩაითვალოს. მხოლოდ გამოსახულება დარჩა ჭირვეული ამ ტრიუმფის მიმართ. რა იყო ეს, იკონოგრაფიის კონსერვაციზმი თუ შუალედური, დროებითი და ეფექტური სამყაროს ასახვის სირთულეები? ამ კითხვებზე ავტორს პასუხი არა აქვს [3, 1119].

განსაწმენდელის სოციალური ტრიუმფი, პირველ რიგში, exempla-ს ანეკდოტებმა განსაზღვრა. ბერძნულ-რომაული ანტიკურობიდან მომდინარე exemplum (მაგალითი) დაკავშირებული იყო ქადაგების ახალ ტიპთან, რომელიც XII ს-ის ბოლოსა და XIII ს-ის დასაწყისში დამკვიდრდა და დასავლების ახალი საზოგადოების დიდ ცვლილებებს განეკუთვნებოდა. XIII ს-ის exemplum-ს ლე გოფი ასე განსაზღვრავს: „მოკლე მოთხოვთ, რომელიც მოცემულია, როგორც მართალი (=ისტორიული), აუდიტორიის დასარწმუნებლად მარგებელი გაკვეთილი და განკუთვნილია საუბარში (საზოგადოდ ქადაგებაში) ჩასართავად“ [6, 533]. სწორედ XIII ს-ის exempla-ს წყალბით, რომელიც ამ ჟანრის ოქროს ხანად ითვლება, განსაწმენდელი მასობრივ დონეზე გავრცელდა. Exempla-ს კაზუსებმა განსაწმენდელის რწმენა შეა საუკუნებში საყოველთაოდ ხელმისაწვდომი გახადა. ქ. ლე გოფი ვრცლად განიხილავს ეკა დე ვიტრის, ცისტერციანების ცეზარ პესტიტებახელის, დომინიკელი ეტიენ დე ბურბონის მიერ შედგენილ exempla-ს კრებულებს და ამ მაგალითებში ასახულ განსაწმენდელს.

დაბადებიდან დაახლოებით ასი წლის შემდეგ, წერს ქ. ლე გოფი, განსაწმენდელს არაჩვეულებრივი შანსი მიეცა: დანტე ალიგიერის გენიამ, რომელიც 1265 წელს ფლორენციაში დაიბადა, მას სამარადისოდ დაუმკვიდრა ადგილი ადამიანთა მესეირებაში [3, 1175]. 1302-1321 წწ. შორის შექმნილი „Divina Comedia“ განსაწმენდელის პოეტური ტრიუმფი იყო. „დვოთაებრივ კომედიაში“ საბოლოოდ იქნა დავიწყებული იმქვევნიური სამყაროს დუალისტური მოდელი. თავისი ქმნილების სამი წიგნი დანტემ ჯოჯოხეთს, სალხინგებელს (განსაწმენდელი) და სამოთხეს მიუძღვა. დანტეს ული განსაწმენდელი მიწისქვეშეთში არ მდებარეობდა. იგი დედამიწის დონეზე, ცის ქვეშ იყო და სამხრეთ ნახევარსფეროში არსებულ უშველებელ მთას წარმოადგენდა. განსაწმენდელი შვიდი წრისაგან შედგეოდა, სადაც სულები შვიდი მომაკვდინებელი ცოდვისაგან განიწმინდებოდნენ: სიამაჟე, შური, მრისსანება, სიზარმაცე, სიძუნწე, დორმუცელობა, აქხორცობა.

განსაწმენდელის ისტორია ქრისტიანულ საზოგადოებაში XIV ს-ის დასაწყისში არ სრულდება. ამ ისტორიის „სახელოვანი“ მოქნებები XV-XIX სს-ით თარიღდება. საჯაროობის ტრადიციულ ფორმებს: ქადაგება, წიგნი (რომელმაც ესტაფეტა ხელნაწერისაგან მიიღო) გამოსახულებაც დაემატა. ფრესკებში, მინიატურებში, გრავიურებში, სამლოცველოების მოხატულობაში განსაწმენდელის წარმოსახვას ბოლოს და ბოლოს ხორცშესხმის შესაძლებლობა მიეცა.

დასასრულ, ლე გოფი აღნიშნავს, რომ იგი შეეცადა, ეჩვენებინა და აეხსნა ქრისტიანული საიქოს სისტემის (იდეოლოგიური და წარმოსახვითი სისტემის) ფორმაცია IV-XIV სს-ში. მას განზრახული ჰქონდა, ხაზი გაესვა, რომ ამ სისტემაში ყველაზე მნიშვნელოვანი ადგილი, შუალედური, ეფექტურული, მყიფე და მაინც ძირითადი ელემენტი განსაწმენდელი იყო, რომელმაც თავისი ადგილი დაიმკვიდრა სამოთხესა და ჯოჯოხეთს შორის.

დამოუმახული ლიტერატურა

1. Le Goff J., L'iminaire médiéval. Essais, Préface à la première édition, 1985, Paris, 1999.
2. Гуревич А.Я., Предисловие, в реферативном сборнике: „Культура и общество в средние века: методология и методика зарубежных исследований“, вып. II, Москва, 1987.
3. Le Goff J., La naissance du Purgatoire, in Un autre Moyen âge, Paris, 1999.

4. ნეტარი ავგუსტინე, ადსარებანი, ლათინურიდან თარგმნა და შენიშვნები დაუროო ბაჩანა ბრეგ-გაძემ, თბილისი, 1995.
5. Арье Ф., Человек перед лицом смерти, Москва, 1992.
6. Le Goff J., L'imaginaire médiéval, in Un autre Moyen âge, Paris, 1999.

RUSUDAN LABADZE
Ivane Javakhishvili Institute of History and Ethnology

THE BIRTH OF THE THIRD COUNTRY OF THE OTHER WORLD

Summary

The article deals with the study of monograph of a famous French historian, Jacques Le Goff – „The Birth of Purgatory“, which was printed in Paris in 1981. In the cited work is discussed an important problem of the Western Christianity, such as the change of the other world picture (hell-paradise) with a new one (hell-purgatory-paradise).

According to Jacques Le Goff purgatory as the space and time was formed between 3th-12th centuries and was connected with the redemption of some sins after death by purifying fire. It was the faith of temporal punishment, where souls of those who have died without mortal sin can expiate their venial sins by temporary suffering before enter heaven. The faith of purgatory was born in practice: suffrages of the living by prayers, alms and other good works for the salvation of their souls who have died.

The Biblical dossier of purgatory (which was denied by the most of heretics in the middle ages and Protestants) consists of four texts: 1.In the Old Testament: The sacrifice ordered by Jude Maccabeus for the redemption of sins of the soldiers who died in battle (II Mac. XII, 41-46); 2.In the New Testament: a. The text from the Gospel according to Matthew which mentions about forgiving sins in a next world (Matthew XII, 31-32); b. The passage from the Epistle of Paul to the Corinthians, which describes the purification of some category of sinners after death *quasi per ignem* (so as through fire) (I Corinthians, III, 11-15), text of Saint Paul which was the object of the most comments in the middle ages; c. The history of the poor Lazarus and the rich man (Luke, XVI, 19-31). According to Jacques Le Goff Abraham's bosom described in the Gospel was the first Christian incarnation of purgatory.

The idea about an intermediate place and time of the other world on a theological level appeared with *refrigerium* (refreshing place) of Tertullian, while the ideas of Clement of Alexandria and Origen have no posterity in Greek Christianity. Veritable Fathers of purgatory St.Augustine and Gregory the Great laid down theoretical foundations to the doctrine of purgatory rejected by the Eastern Church during the debates of the 12-th century.

Between 1170-1180 in Latin appeared the noun *purgatorium*, which practically was the birth of purgatory as the determined place.

In the 13-th century purgatory have well installed in the Western Christianity: on a dogmatic level in the letter of Innocent IV (1254) and in the reports of the second Council of Lyons (1274) within the union of Latin and Greek Churches; On a theological level with integration of purgatory in the great theological systems; And in believers, on a mass level, by sermons and the *exempla*. At last the poetic triumph of purgatory – „The Divine Comedy“ of Dante, where the third place of the other world settled down between hell and paradise.